

Шочмо эл, порылык да чын верч!

Будь готов!

7-ше (3551) №,
2022 ий 18 февраль,
кугарня.

Ямде лий



1933 ий 1 февраль годсек лектеш.

0+

Суанде сомыл – эдым ардаш



Марий Турек район Нартас школышто «Звезда» патриотический клуб 2010 ий гыч пашам ышта. Тудым запасысе капитан, школ директор В.П.Семёнов вуйлата. 5-ше классыште тунемше ўдыр-рвезе-влакым юнармий радамышке ий еда пуртат, 8-ше классыште шинчымашым погышо-шамычым – кадет радамышке.

– *Ме шочмо элым пагалыше, шочмо калык верч шоген кертше, пенгыде капкылан самырык тукымым куштена. Рвезе-влакым салтак радамышке шогалаш ямдылена. Нуно элнан ончыкылык аралышыже ултыт,* – оила Валерий Павлович.

Оборонно-массовый да военно-патриотический паша месячник радамыште класслаште түрлө мероприятий эртаралтын. ОБЖ урокышто Валерий Павлович сар жапыште кучылтмо арвер-шамыч дене чўккыдын палдара (снимкыште), автоматым рончаш да погаш туныкта, конкурслашке ушнаш тарата. «Звезда» клубын черетан сенгымашыже – республикысе военно-патриотический клуб-влак кокласе знаменный группо-шамычын конкурсыштышт икымше вер. Ёдыр-рвезе-влак Марий Элын чапшым россияысе конкурслаштат аралат.

Х.АЛЕКСАНДРОВА.

Фотом школ архив гыч налме.

ПОДПИСКЕ

«Ямде лий»

газетлан кажне тылзын 15 числа марте почто отделенийште возалташ лиеш.

Индекс – П4696.

Газетым онлайн налын кертыда. Кугарня24.рф сайтыште «Кевыт» ужашыш пурыза да келшыше номерым ойырыза.

Рекламе.

Обелиск дек корно



Школ ончылно Чап монумент уло. Тудым Кугу Ачамланде сарыште лийше землякна-влакым шарныме лумеш ыштыме. Самырык тукум шочмо кундемын историйжым, геройжо-влакым палышаш. Монумент дек корно нигунам ок петырне. Волонтер-влак (снимкыште) тудын йыраулыкым эскерат. Телым лумым куат, шопшым сылне пеледышым шындат, кенежгоч вудым шават. Кугезе коча-кова-влаклан таум ыштат.

Ксения БУТЕНИНА.
Морко, Эгерсола.
М.БУТЕНИНАН фотожо.

Книга - илыш

Мый уремышке лектам,
Пешак писын ошкылам.
Вуйыштемже – шонымаш:
Сайын-сайын тунемаш.

Йоратем марий книгаг,
Турлым-турлым мый лудам.
Туныкта книга илаш,
Илышым полша палаш.

Эвелина МОРЖАНАЕВА.
Советский, Кодам.

Тыныс лийже

Мыланем военный-влакын пашашт келша. Ончыкыжым шке илышем тиде професий дене кылдынем. Шочмо калыкем тыныс кава йымалне илыже манын, вием, моштымашем ом чамане. Кызыт спорт дене пенгыде кылым кучем, сайын тунемам. Шонымашем шукталтеш манын моткоч ушанем.

Ольга БОКОВА.
Морко, Шургыял.

Тыршен тунемына

Кумшо классыште 15 тунемше: ныл удыр да 11 рвезе – улына. Ме, удыр-влак (снимкыште), сайын тунемына. Теве Лиана Фёдорова – отличнице. Чыланат книгаг лудаш, суретлаш йоратена. Конкурслашке кумылын ушнена. Шочмо йылмын тунямбал кечыжлан пөлеклалтше почеламутым сылнын лудмо онлайн конкурсышто мый, Лиана да Эвелина мастарлыкнам тергышна. Шочмо йылмынам пагалена. «Ямде лий» газетым кажне арнян вучена, лудына, урокышто кучылтына.



Даша МИХАЙЛОВА.
Волжский, Пөтъял.

Фотом школ архив гыч налме.

Российысе увер

11-ше классыште тунемше-влак кугыжаныш экзаменым ФГОС почеш тений икымше гана кучат. ЕГЭ-м вузыш тунемаш пураш шонышо-шамыч веле огыл, чылан сдатлаш тунгалыт. Икымше экзамен географий, литератур, химий дене 26 майыште лиеш.

«Урок цифры» все-российский туныктымо проект радамыште 6 март марте «Цифровое искусство: музыка и IT» теме дене урок-влак эртаралтыт. Тушко 1-11-ше класслаште тунемше-шамыч ушнен кертыт. Тұрыс уверым urokцифры.рф сайтыште лудса.

6-17 ияш йоча-влакым «Моя Россия» тунямбал сурет конкурсыш ушнаш ужит. Турло техникым кучылтын суретлыме пашам 31 март марте колтыман. Тұрыс увер – my-russia.org сайтыште.

Марий Элысе увер

Республикысе марий түвыра рүдер 4-17 ияш удыр-рвезе-шамычлан «Элым аралыше-влак» республикысе конкурсым эртара. Шочмо эл нерген мурым йонгалтарыман але сочиненийым возыман да 28 февраль марте mari-centr_konkurs@mail.ru адрес дене электрон почтыш колтыман.

10-11-ше класслаште тунемше-влак, уш-акылдам Республикысе педагогический олимпиадыште тергыза. Тудо 1 апрель марте онлайн эртаралтеш. Тұрыс увер – marsu.ru сайтыште.

Марий Эл Республикысе йоча да подростково-влакын «Эр вий» ушемышт «Мыйын еш архивем» республикысе конкурсым увертарен. Тунг теме – «Галстук – мыйын ешыштем». Школысо йыжыг март марте шуйна. Сенгыше-влак районышто да республикыште тагасаш тунгалыт.

Фотом еш архив
Гыч налме.



Изам - салтак

Рудик изам кызыт Россий армий радамыште служитла. Челябинск олаште танковый войскаште шке порышым шукта. Кугу МАЗ дене куда-лыштеш. Кажне рушарнян кертмыж семын монтго йынтырта. Авам дене коктын тиде каныш кечым чон вургыж вучена. Мый изам дене кугешнем. Тудым 23 февраль дене саламлем. Шочмо суртыш пörтыл толмыжым чот вучена.

Анжилина ЧУЛКОВА.
У Торъял, Кузнеч.



Шочмо элым аралышын кечыже.

Ачай, мый тыйым йоратем
Да уло чон ден пагалем.
Ом пале ойгым тый денет,
Лийнем эре мый пеленет.
Лач сайлан веле туныктет,
Ешет верч тый тургыжланет.
Куане, поро ачаем.

Мый пайремет ден саламлем.
Виолетта АБЛИНОВА.
Национальный сымыктыш
гимназий.

Поро да пашаче

Мыйын ачам, Леонид Аркадьевич, пеш патыр да мотор, поро да пашаче. Шуко вольыкым онча. Трактор да машина дене кудалыштын мошта. Күлеш гын, төрленат кертеш. Юзгунам ачам мыланем монтгысö пашам ышташ полша. Туддене кугешнем да пайрем дене саламлем.

Антон ШАБДАРОВ.

Шернур, Марисола.

Патыр ачаем

Патриотшо шочмо элын
Мыйын ачаем улеш.
Ошкылеш ал тулым келын,
Ачаем мо деч лүдеш?!

Арален кугезе мландым,
Армийыш ачай миен.
Ончык тудо рын тошкалын,
Ачаем – пеш патыр ег.

Тый улат пример чылалан,
Кугешнен ме илена.
Эр эрдене шыргыжалын,
«Пайремет ден!» – манына.
Регина ГРИГОРЬЕВА.
2-шо номеран Морко школ.

Шем. Ачам патыр, лүддымө. Мыйымат тыгай лияш туныкта. Ачам дене кугешнем. Тудым пайрем дене саламлем.

Шернур, Кукнур.

Порышым шуктен

Ачамын лүмжө – Евгений. Астраханский областьыште ракетный войскаште служитлен. Армий ачамым пенгыде лияш, шкем кучен мошташ туныктен. «Изинек спорт дене кылым кучымаш армийыште эн күлешан», – оила ачам.

Лияна МОСОЛОВА.

Советский, Шуарсола.

Саламлем

Анатолий ачам – поро шинчаончал-тышан, пенгыде капкылан, пашам йоратыше ег. Ме кенезым колым кучаш коштына, шыжым чодыраште поңгым погена. Телым тудлан лумым эрыкташ полшем.

Лиза КИТКАЕВА.



Командир лиям

Ешна гыч кок ег шочмо эл ончылно шке порышым шуктен, кызыт кумытын служитлат. Нуно школышто сайын тунемыныт, тазалыкышт пенгыде лийын. Мыят, жап шумек, шочмо элым аралаш тўгалам, салтак-влаккан сай командир лияш тыршем.

Саша ИВАНОВ.
Морко, Коркатово.

★ *Айдемын чын порылык лүмжө*
★ *Эн волгыдо чапым кушта.*

★ **Анатолий ТИМИРКАЕВ.** ★

Пайрем дене, кочай

Кочам Святослав Михайлович Янгелов Морко район Кугу Шале ялыште ила. Тудо шуко онай историйым пала. Армийыште лиймыж нерген каласкалымыжым колышташ йоратем. Тудо Эстонийыште, Латвийыште лийын. «Марий улмем да марла мутланымем эстон мландыште пеш полшенят», – оила кочам. Шочмо элым аралышын кечыж дене саламлем, кочай!

Анна ВИНОГорова.
Звенигово, 2-шо №-ан Красногорский школ.



Андрей РЕПИНЫН сүретше.
Советский, Орша.

Мўшылъер йомеш мо?



Волжский район Руш Шайра ял воктене верланыше Мўшылъер нерген «Семь чудес России» конкурсыш ушнымыз деч вара шукин пален налыныт. Тудын моторлыкшым ончалаш, каналташ кушеч гына толын огытыл? Шукерте огыл Интернетыште ерыште вўдын иканаште икмыняр метрлан волымыж нерген вучыдымо уверым ужна. Тудын пўрымашыже верч верысе калык веле огыл, пўтынъ Россия азаплана. Молан тыге лийын? Умбақыже мом вучыман? Нине йодыш-влаккан вашмутым муаш манын, верысе краевед **М.Ю.ТИМОФЕЕВА** дене мутланышна:


– 2010 ий гыч ерыште вўд шагалемаш тўналын. 2014 ийыште иканаште иземын, 2016 ий шошым ик жаплан шукемын. 2019 ий гыч вўд эркин-эркын «каяш» тўналын. Тений 2 февральыште Руш Шайра ял калык кугу йўкым колын. Ерысе ий сўмырлен, эсогыл пўртысö окна-влак чытырналтыныт. Пале лийын, вўд «шылын».

– **Марина Юрьевна, вўдын волен кайымыже мо дене кылдалтын?**

– Йўр чот толмо годым вўдым чодыраште лыш-таш шартыш але регенче куча гын, курыкан кундемлаште коремышке але энерышке йоген кая. Сотнур кундемыште икмыняр ий ончыч йўр але лум вўд Шайра,



Фото-влакым Интернет гыч налме.



Пеза изи энерла дене Элнетышке йоген каен. Кызыт нине йогын-шамыч кошкеныт але куштыра, шудо дене петыр-неныт. Садлан вўд мландышке

шына да южо породым шул-дара. Яра верлашке мланде йымалне улшо энгер-влак йоген пурат, да кумдык эшеат кугемеш. Мўшылъер мланде порволымо йөн дене шочшо ерлан шотлалтеш. Моло ер дене тагастарымаште Мўшылъерысе вўдын уровеньже кўшнырак лийын. Очыни, мланде йымалне улшо энгер-влак дене тудо начаррак кылдалтын улмаш. Но, жап эртымеке, ер пундашысе йошкыным вўд мушкын. Тыге вўд йоген каяш тўналын.

– **Ончыкыжым мом вучыман?**

– Вўдын уровеньже моло ер дене тўреммешке иземаш тўналеш. Ерым йомдарыме огеш шу. Мо лиш? Жап ончыкта.

Х.ГЕННАДЬЕВА мутланен.

Чодыраште

Каныш кечын ачам дене чодырашке мийышна. Тудо пўртүсым сайын пала да мыланем тўрлö онайым каласкала. «Тиде кундемыште меран ила», – шопке нултымо верым ончыктыш ачам. Кужу пылыш тельылан ужгажым вашталта. Пылыш мучашыже веле шеме. Лум

ўмбач тыге чымалтеш – лум пурак веле кодеш. «Тушман-влак» деч тудым кужу йолжо утара. Телым кочкышым ок му гын, ялысе сад-пакчаште олмапум нулта. Тидын нергенат ачам деч пален налым.

Арина ФЁДОРОВА.
Морко, Арын.

Ок кылме

Немда энгер воктен памаш йога. Теле гынат, ок кылме. Молан тыге? Мланде йымалне, вўд лекме верыште, урем деч левырак. Чарныде вўд йогымылан көра тудо ок кылме. Ме памашыш тельымат коштына. Вўд левын чучеш, кидым ок кылмыкте.

Ирина ЕГОШИНА.
У Торъял, Немда.

Тўзлане, ужар тўня

Пўртүс илышым аклаш, тўзаташ да аралаш «Экологийын школжо» проект полша. Тушко тунемше-влак кумылын ушнена. Проект почеш школышто экорўдер пашам ышта.

Кажне тылзын онай мероприятий-влакым эртарена. Ялысе клуб, книгагудо, ялсовет дене кылым кучена. Биологийым туныктышо Л.И.Фоминых тўрлö акцияш ушнаш кумылангда. Ялысе калык дене пырля ужар тўням энтек деч аралымаш – мыланна пиал.

Никита ФОМИНЫХ.

У Торъял, Токтарсола.



Егор ВАСИЛЬЕВЫН сўретше.
Волжский, Пөтъял.

21 февраль –
Шочмо йылмын
тўнямбал
кечыже.

Одо кундем тора, да лишыл



Фотом школ архив гыч налме.

– Ме, Марий Эл деч тораште ылыше-влак, шочмо марий йылмынам утларак пагалена, марий улмына дене утларак кугешнена. Тиде шижмашым йоча-влакын чонышкышт шындарена, – ойла Одо кундем Карагөл район Ныргындыш школышто директорын воспитаний паша шотышто алмаштышыже А.В.Васильева (снимкыште йоча-влак дене пырля).

Школышто марий йылме арням шукерте огыл эртарен.

ныт. 1-10-шо класслаште тунемше ўдыр-рвезе-влак марий кундемым, шочмо йылмым палымыштым викторинылаште тергеныт. Туныктышо-шамыч марий сылымут ден фольклорлан кугу тўткышым ойыреныт. Мутлан, йоча-влак «36 изак-шоляк» литератур модышышко ушненыт, калык йомак-шамычын геройыштым пален налыныт. «Мыйын шочмо элем» сўрет ончерыште могай гына пашам ужаш лийын огыл?! Йоча-влаклан марий

Глоч тўрзатым,
мїндыр тос!

модыш-шамыч
дене
модаш
поснак
келшен.

– Школышто кажне гаяк йочан марий тувыржо уло. Тудым тўжалтыш класслаште туныктышо Ирина Лаврентьевна Зылева урген. Шочмо калыкын вургемжым чиен, марий мурым муралташ, тудын почеш кушталташ чылан кумылан улыт. Чылт марий муро деч посна ме кусарыме мурымат йонгалтарена. Мутлан, «Антошка-кал», «Канде вагоним». Тыге моло калыкын муржымат жаплаш туныктена, – ойла Алевтина Владимировна.

Одо кундем тора гынат, моткоч лишыл. Тушто марий йылме ден сылымутым куанен тунемыт, конкурс ден олимпиадылашке ушнат, сенгышыш лектыт. Тидыже шочмо калыкна верч кугешнымаш кумылым шочыкта.

Х.АЛЕКСАНДРОВА.

Поэт дек унала

Тоштерын ший омсам
почам –
Мотор пөлемышке пурем.
Кугу поэт дек толынам,
Палем, Ялкайн мемнам
вучен.

Йокрокланен книга кия,
Тыштак ручка,
корка шинча.
Мотор костюмжым кō чиен?
А кызыт шып канен кеча.

Ялкайн чиен, ила поэт:
Тугай мотор
да ўпшō кудыр.
Пөлемышке пура, сонет,
Да чўкталтеш уэш

ты шўдыр.
Алёна АХМАТЬЯНОВА.
Пошкырт, Мишкан, Чорай.

Ачам гай лийнем

Ачам шочмо элже ончылно порысшым шуктен. Арми деч вара колхозышто пашам ыштен. Изинек техникылан шўман лийын, садлан шофёрлан тунем лектын. Вич ий Москошко автобус дене калыкым шупшыктен. Вара дальнобойциклан пашам ыштен. Могай гына олалам ужын огыл?! Мыят ачам гай водитель лийнем.

Андрей ШУРМЕТОВ.
Татарстан,
Агрыз,
Буймо.

«Шочмо тўвыра, руш йылме да йўла нерген шочмо йылме дене эн сайын возымаш» всероссийский сочинений конкурсын регионисо этапше Буймо школышто эртаралтын. Мый «Тувыртыш пайрем» нерген возенам. Тудым, презе шочмеке, марий ешлаште эртарат. Мый сенгышыш лектынам! Пашамым кўкшын аклымылан пеш йывырте нам. Туныктышо-влаклан кугу таум ойлем.

Анастасия АСИНА.
Татарстан, Агрыз, Буймо.

«Тувыртыш пайрем»



Фотом школ архив гыч налме.



Күшыл категори-
ян тункытышо,
Россий Президентын
грантшым кок гана
налше, Россий Фе-
дераций общий обра-
зованийын почётан
пашаенже, Йош-
кар-Оласе 21-ше
номеран
Семёновко

школышто кугыжаныш марий
йылме урокым вұдышө
О.Н.ВАСЕНИНА ямдылен.

Кажне ег таза капкылан
лияш шона. Тыят патыр лийнет
гын, тунемме деч вара яндар южыш-
то ик шагат кошт, мод але пашам ыште. Малаш вочмо деч
ончычат прогулкыш лекташ ит мондо. Телым кок-кум гана
фортычкым почаш пайдале. Кенезым окнам почын мале. Эр
еда зарядкым ышташ ит өркане. Варажым могыретым ночно
солык дене йыге. Кенезым ияш тунем, а телым ече але
коньки дене мунчалте.

Тазалыкым аралыза



Ойлончылашке келшыше глаголым возыза.

Санук _____ . Тудын вуйжо _____ ,
капшылан йўштын-шокшын _____ . Аваже теле-
фон дене врачым _____ . Врач Санукум
_____, вара рецепттым _____ . Эмым
кечеш кум гана йўаш _____ . Санук кум кече
школыш _____ .



Текстым лудса. Таза илыш-йўла нерген кагашым чонгыза.

Кажне ег таза капкылан
лияш шона. Тыят патыр лийнет
гын, тунемме деч вара яндар южыш-
то ик шагат кошт, мод але пашам ыште. Малаш вочмо деч
ончычат прогулкыш лекташ ит мондо. Телым кок-кум гана
фортычкым почаш пайдале. Кенезым окнам почын мале. Эр
еда зарядкым ышташ ит өркане. Варажым могыретым ночно
солык дене йыге. Кенезым ияш тунем, а телым ече але
коньки дене мунчалте.



Ойлончо-влакым кусарыза да, радамлен, тетрадышке возыза.

Я заболел(а). Врач осма-
тривает меня и выписывает
рецепт. Мама вызывает
врача. У меня высокая тем-
пература, болит горло. Через
три дня пойду в поликлини-
ку на приём к врачу. Мама купит мне ле-
карство. Когда выздо-
roveю, пойду в школу.



Муткылдыш-влакым кусарыза.

Ик жапыште кысел – _____ ;
зарядкым ыште – _____ ;
вакшышым пого – _____ ;
пўйым эрыкте – _____ ;
шўргым муш – _____ ;
эр кочкышым ыште – _____ .



Ойлончо-влакым лица дене келыштарен возыза.



ед.ч.

- 1 л. Мый черле улам. Мыйын вуем коршта.
2 л. _____ (йол)
3 л. _____ (пўй)

мн.ч.

- 1 л. _____ (логар)
2 л. _____ (пылыш)
3 л. _____ (мўшкыр)



Эмлыме кушкыл-влакым палыза.



Эмлыме рецептан муткылдыш-влакым муза да йымач удиралза.

Теле йўштө озаланыме годым шуко ег чер-
лана. Чер деч вашке утлаш манын, тўрлө
йонным кучылтыт. Кылмен черланыме годым
шолтымо парентге пар дене шўлаш пайдале.
Шокшо эңыж чай сайын пўжалтара.
Кенезым погымо писте пеледышан чай
кокрымо годым полша. Кўктымө шоганат
пеш пайдале.



Калыкмут-влакым чын кусарен ушыза.

- 1.Тазалык – эн шерге
поянлык.
2.Таза – улан, таза –
поян.
3.Тазалыкым оксала
налаш ок лий.
4.Таза капыште – таза
чон.
5.Тазалыкым изинек
арале.
- А.В здоровом теле –
здоровый дух.
Б.Береги здоровье с дет-
ства.
В.Здоровье – главное
богатство.
Г.Здоровье – достаток,
здоровье – богатство.
Д.Здоровье за деньги не
купишь.



Мутер

Муткылдыш – словосочетание.


Вакшыш – постель.

Вўршудо – зверобой.

Корнышудо – подорожник.

Мамыкшудо – одуванчик.

Пўчмышудо – тысячелистник.



Моло фото-влакым «ВКонтакте» соцкылысе https://vk.com/yamde_lii тўшкаште ончыза.

Фотом йочасадын архивше гыч налме.

Йошкар-Оласе 53-шо номеран «Изи Патыр» йочасадын кудывечыже чылт йомак тўням ушештара. Воспитатель, ача-ава-влакын полшы-мышт дене тўрлө кайыкым, янылыкым да молымат лум гыч ненченыт. Теве «Спартанцы» группыш коштшо йоча-влакым мотор кўрка (**снимкыште**) вашлиеш. Тудым Наталья Николаевна ден Алексей Анатольевич Апремовыт ыштеныт. «Ача-ава-влак-лан моткоч кугу тау, – ойла воспитатель М.И.Филиппова. – Нунын мастарлыкыштым ончен, ньога-влак сōраллыкым умылаш, аклаш да кидпашалан тунемыт».

Йомак тўня

Йоча-влак иквереш погынат гын, могай гына модыш дене огыт мод?! Эсогыл шке гыч шонен луктыт. Кенежым жапым вўд воктене утларак эртарат. Пушенгышке кўзен, торашке ончат, йырым-йырысе тўням эскерат. Телым ий ўмбалне хоккейла модыт, лумъенгым ненчат. Йоча пагыт – йомак тўня. Тудым онайын да пайдалын эртарыман.

Егор БАСОВ.
Советский, Кукмарий.

Рекламе.

М. ШКЕТАН ЛЎМЕШ
МАРИЙ КУГЫЖАНЫШ
ДРАМЕ ТЕАТР

20/02
11:00

Сказка
Три сестры

КАССЕ 8(8362) 78-13-78 SHKETAN.RU



– Таче мемнан тергыме паша лиеш? – туныктышо классыш пурен веле шога, Миклай йодышташат тїндале.
– Калькуляторым кучылтам лиеш?

- Лиеш.
- А транспортирым?
- Тудымат лиеш.
- Ура-а-а! – шергылт кайыш Миклайын йїкшō.
- Йоча-влак, тергыме пашан темыже: «Российын историйже. XVIII курым».

**Йоча-влак,
тыгай самолётым
ыштен ончыза.**

Мастар кид



Пушкин келша

Мый А.С.Пушкинын йомакше-влакым лудаш йōратем. «Колызо ден шōрт-нō кол» йомак поснак келша.

– Молан кува темдымыш савырнен? – шке семьнем шонкалышым.

Йомакым чылан лудында, раш паледа: поянлык эн тўн огыл. «Опкынланет гын, улыжымат йомдарен кер-тат» манын, калыкыште арам огыл ойлат.

Полина АЛЕКСЕЕВА.
Морко, Коркато.



«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.
https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.ru

УЧРЕДИТЕЛЬ-ВЛАК: Мари-Эл Республикысе культуру, печать да калык-влакын пашашт шотышто министерстве, «Кугарня» газет» кугыжаныш унитарный казна предприятий.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме.
Номер – ПИ № ТУ52-01335,
2021 ий 29 сентябрьыште пуымо.

0+

Печатьыш пуымо жап –
14-00,
фактически – 13-00

Авторын да редакцийын шонымышт тўрлō лийын кертыт. Серыш-влак мōнгеш огыт колталт.
Ак – кутырен келшыме почеш.

Редакцийын да издательын адресше:
424006, Йошкар-Ола, СССР Вооруженный Вийын 70-ше идалькыше урем, 20-шо пōрт.
Тел. 8(8362) 45-22-82(факс)



Ян КУЗНЕЦОВ.
Медведево, Турша.




Кирилл МОРЖАНАЕВ.
Советский, Иззи Кодам.



Гоша ЕЛЬМЕКЕЕВ.
Йошкар-Ола.



Конкурс



Самолёт-шамычын ўмылкаштым муза.

Шотлыза.

★★	+	★★★	=	□
☆☆	+	☆☆	=	□
★★★★	+	★★★★	=	□
★★★★	+	★★★	=	□

Авамн лўмжым палыза.

Лўмын икымше букваже алфавитыште «н» буква почеш шога, кокымшо – «м» буква ончылно, кумшо – «ы» почеш, нылымше – «д» ончылно, визымше – алфавитысе икымше буква.

Юля ЯГОДАРОВА.
Советский, Кельмаксола.

Сўретым чиялтыза.



Танкистан танкше дек корным муаш полшыза.



Задаче

Йыван фронтышко тарванен. Икымше кечын тудо машина дене 6 шагат кудалын. Ик шагатыште 80 километрым эртен. Кокымшо кечын самолёт дене 8 шагат чоҥештен. Ик шагатыште – 100 километрым. Фронт мыяр менге тораште верланен?



Интернетысе сўрет-влакым кучылтмо.